

不空羈索神變真言經卷第七

必七

唐南天竺三藏法師菩提流志奉詔譯

護摩增益品第七

世尊是不空王護摩三昧耶能成一切功德
善根能滅過現一切罪障能破一切設覩嚕
等能除一切惡毗那夜迦能止一切惡訥瑟音七
吒能滅一切不吉祥相能禳十六大地獄苦
能除八大怖畏之怖能破一切怨諍離難能
伏他軍一切兵仗能除一切疫病饑饉能證
一切諸佛大智能入一切諸佛菩提若有有
情如法修學常使四天王天一切天龍八部
鬼神皆當護祐一切如來觀世音菩薩觀察
加祐世尊說扇底迦三昧耶安樂有情滅諸
災疫說補瑟置迦三昧耶增益有情福命財
寶說阿毗柘魯迦三昧耶治滅一切惡性藥

叉羅刹噉人精氣者皆自置伏使諸稠林邪
見有情入於正見以斯義故說護摩法成就
出世世間解脫三昧耶當如法作請召一切
諸佛菩薩火天諸天那伽龍神真言明仙燒
食供養換潔身服去道場處不遠不近觀見
尊容作護摩壇方圓四肘治飾壇地開廊門
道基高側手內院穿爐廣一肘半深一肘量
周匝重緣內緣高闊二指之量外緣高闊四
指之量爐底泥作八葉蓮華於華臺上重捏
泥輪如法塗磨外院一時東方置大梵天印
帝釋天印日天印東南方置火天印諸仙印
南方置焰摩王印一髻羅刹神印度底使者
印西南方置泥利帝神印諸羅刹印西方置
水天印龍印地天印月天印西北方置風天
印藥魯荼印北方置毗沙門印諸藥叉印東

北方置大自在天印伊舍那天印結印辟除護身結界而請召之四角置闕伽瓶四門置香爐燒種種香敷諸華香飲食供養加持淨灰與同伴者點額護身敷茅草座西戌之時面東而坐以杜仲木木檻木柏木如大梅指

七

二

長十二指截爐內然火扇扇勿吹當以香水灑淨火上彈指三遍當觀火焰金爲羅字變爲火天一面三目身白四臂黃髮冠髻左二手一持君持一執寶杖右二手一施無畏一指數珠半跏趺坐放大火焰燒香請召以稻穀華白芥子好酥真言護摩請喚火天真言

曰

唵一入輕縛羅入縛羅二跋羅合入縛羅三底瑟詫縫麼焰四虎嚕虎嚕五許怖六莎縛二合訶七

誦滿一七遍召火天至以酥白芥子安悉香真言護摩七遍種種末香甘味果子真言護摩七遍真言淨水藏散火上彈指三遍柏木桑木構木蓮華莖白栴檀木長十六指截真言加持爐內然火此諸木等隨得一木作法亦成白梅檀香薰陸香甘松香稻穀華酥誦祕密心真言奮怒王真言加持護摩一百八遍蒸粳米飯酥團一千八團加持護摩如是護摩滿三七日或七七日是時火天壇內現身瞻視十方讚言善哉善哉持真言者今得成就此護摩法所須何願能爲滿足是時當以闕伽供養又當以酥粳米飯團一千八團加持護摩乞所求願則得火天手捧銀器滿中有藥奉真言者受取餌之則得仁婉身出光焰壽延萬歲證宿命智而得總持不空胃

索心王母陀羅尼真言三昧耶若當不受火
天藥者又復護摩一千八園壇地震動觀世
音菩薩現身安慰讚言善哉善哉汝已成就
此護摩法汝須何願我今爲汝便得滿足時
真言者闍伽供養觀世音菩薩自執其藥與
真言者跪禮恭敬受藥服食其狀變麗身出
光焰證獲不空大真言明仙神通三昧耶得
九十二殃伽沙真言明仙一時來現敬爲伴
侶住觀世音所住九十二殃伽沙俱胝百千
七寶宮殿安樂遊觀是等宮殿有無量寶樹
華果間雜莊嚴其土園苑多有種種色類金
華銀華寶樹華果一切池沼八功德水氣香
芬馥如栴檀香於其水中多有衆色鬱鉢羅
華鉢頭摩華拘物頭華芬陀利華其諸泉沼
金沙布底雜寶爲岸此諸宮殿臺榭樓閣華

果泉沼互相間映周廣嚴淨一切天男天女
緊那羅女乾闥婆女常遍遊戲持真言者彼
所壽身乃至無上正等菩提更不受生恒往
十方一切刹土恭敬供養一切諸佛菩薩摩
訶薩持此不空脣索觀世音菩薩廣大解脫
蓮華曼拏羅印三昧耶一切菩薩摩訶薩恭
敬頂禮而讚歎之俱胝百千一切諸天乃至
阿迦尼吒天一切龍王阿素洛王緊那羅王
乾闥婆王蘖魯荼王摩呼羅伽王皆當供給
一切資具甘膳飲食自在豐饒得此果者皆
因是大旛暮伽^(二)王護摩供獻三昧耶若真言
者多諸重罪福德甚薄雖服是藥但得富饒
壽命長遠不得證見諸佛菩薩摩訶薩種種
形相往來神通變化等相唯令過現一切業
障盡皆消滅爲人愛讚所出言辭他皆信受

若命終時身心寂定無諸恐怖一切如來觀世音菩薩一時現身迎真言者往於西方蓮華化生得宿住智億劫生事而皆識知乃至菩提更不重受一切胎卵濕化之身從一佛土至一佛土聽持諸法供養諸佛若藥點額遊行世間爲人愛敬若後所欲憶念火天則爲現身當如願乞皆爲圓滿又三昧耶丁香木石榴木截治然火誦母陀羅尼真言奮怒王真言加持粳米菉豆蒸餅乾蓮華末白芥子酥蜜石蜜作歡喜團於七日中加持護摩爐內復現火天半身手執寶盤滿中圍藥奉真言者而告言曰此妙散藥是最後藥唯垂受取時真言者即便恭敬受藥服餌身便適懥證不空王摩訶真言明仙神通三昧耶一萬八千持真言仙一切火天一時來現敬侍

爲侶而護祐之諸真言者服此藥者便得證解是不空王心陀羅尼真言曼茶羅印三昧耶日誦千言爲人愛敬若命終已直生西方蓮華化生識宿住智若藥點額入諸龍窟阿素洛窟鬼神窟中鬼神皆自置伏出入無礙若有女人服此藥者則得其子性大聰慧若諸人民服此藥者皆得除諸灾厄罪障又法淨處以赤牛乳酥煮粳米粥持石榴木誦毋陀羅尼真言撓攪乳粥乃至至熟誦奮怒王真言加持白芥子水濺散粥上以火天藥和乳粥中盛三鉢中一鉢供養一切諸佛一鉢供養觀世音菩薩一鉢供養文殊師利菩薩便以乳粥施諸沙門婆羅門人民而服食者即得除滅一切業病鬼病神病一切罪障膚體腴悅善根成熟若山頂上仰天樓上隨

其大小治塗壇地置乳粥鉢燒香啓召十方
一切諸佛菩薩摩訶薩誦不空摩尼寶陀羅
尼真言一百八遍供養十方一切諸佛菩薩
摩訶薩是時十方一切諸佛菩薩摩訶薩前
皆現天諸香味飲食爲大供養一時讚歎得

大福聚無量諸天皆擁護之若木檻木楓香
木栢木截治然火加持乳粥酥護摩一千八
遍火天種族一時來現歡喜瞻敬又護摩一
千八遍龍王及從皆當自伏恭敬使護又護
摩一千八遍一切天龍八部鬼神恭敬讚伏
又護摩一千八遍諸真言仙皆相讚伏又護
摩一千八遍橋戶迦三十三天皆相置護又
護摩一二萬遍觀世音菩薩現身讚歎爲得
圓滿是一切菩薩摩訶薩共所恭敬頂禮讚
詠不空胃索心王母陀羅尼真言曼拏羅印

四七

六

三昧耶不空清淨觀三昧耶身若木檻木白
梅檀木栢木長十六指截加持爐內然火作
歡喜團一千八團加持護摩爐中出現火天
童子手執寶盤滿歡喜團藥是時真言白芥
子打是童子一二七下童子白言今何所求

則便報言我求一切菩提大願爲我滿足童
子是時白真言者受此團藥是藥乃是無上
甘露妙藥中藥能即成就最極大願時真言
者受取捧持告言童子即當共我常爲伴侶
童子白言依命爲伴隨處作法即應相見應
當便以杜仲木截治然火誦廣大明王央俱
捨真言加持白梅檀香安悉香白芥子蘇護
摩一百八遍供養童子即當爲伴不相捨離
一切作法皆爲成辦又爲遮止一切鬼神作
障難者當以是藥置獻觀世音菩薩則服是

藥便證旛暮伽王神通三昧耶膚狀端嚴髮如旋螺壽延六十千劫十八俱胝真言明仙一時來現敬侍爲伴若以是藥普施一切沙門婆羅門人民食之皆得住年消除過現諸罪病惱若以是藥塗諸物者皆即變爲閻浮檀金若以是藥擲湫中者一切龍王皆現置伏任爲吏使除遣一切風雨灾旱若以是藥打阿素洛窟門其門即開素洛眷屬一時皆現置伏爲使若山林中散是藥者則得一切藥精出現任取服餌若於屍陀林中散是藥者即得鬼神宮殿開現鬼神現身置伏任爲使若新未壞米鞞羅香湯洗浴著淨白衣當以是藥置二鉢中加持白芥子用和是藥散故人上則加持問出世世間三世事法占相醫方呪術工巧技藝神通等法皆依問說若如

故者持水灑面拂去其藥若以是藥埋置門地則得除滅人民灾病若以是藥置功德天像手中誦奮怒王真言一百八遍即功德天現身給賜種種財寶若以是藥淨帛裹之持行去處人目不錄若於河岸大獨樹下埋置是藥誦奮怒王真言七遍一切諸鬼現身置伏任爲命事若以是藥置摩訶迦羅像頭上誦奮怒王真言加持白芥子水七遍散摩訶迦羅像頭上誦母陀羅尼真言七遍一切荼枳尼鬼現身置伏樂爲命事若以是藥置摩訶迦羅像脣中者則鬼子母現身置伏任爲命使若以是藥置文殊師利菩薩像手鉢中誦奮怒王真言三遍誦摩尼寶陀羅尼真言七遍則於十方一切刹土一切諸佛菩薩聲聞前皆有天諸甘露飲食而供養之於時十

方一切諸佛一切菩薩一時歌讚又真言水
滌灑壇爐火內然火當以是藥和白栴檀香
薰陸香白膠香沉水香白芥子酥蜜作歡喜
團一百八團加持護摩其火天王爐中漏現
告真言者善哉善哉我受此供甚大歡喜今

須何願爲相滿足是時則乞一切火法入火

坐卧之法執火沒水不滅法作壇法處請常
現身而相教詔得法滿願世尊不空光焰摩
尼鍋三昧耶如意寶求諸妙藥皆得如意
淨治身服如法清潔塗曼拏羅上好赤銅造
摩尼鍋其鍋圓滿圓如珠形黃丹枳愚瑟詫
雄黃雌黃白栴檀香曼拏羅內精潔如法等
數治末光焰摩尼鍋藥其鍋鑄已置於爐中
加持蘇枋木迦囉弭羅木闍加木捨弭木青
竹夜合木羯囉泥迦囉木菩提木柏木桑木

構木跋洛訖灑木蘇曼那木乾駛嚙利師迦
木檜羅木弭惹補囉迦木新度縛囉木瞻荀
迦木苦棟木比主羅漫娜木截治長十六指
量如法然火加持俱物頭華莖葉蓮華莖葉
溫鉢囉華莖葉瞻荀迦華縛羅迦香草白栴
檀香沉水香吉得囉迦藥酥誦持母陀羅尼

真言奮怒王真言護摩一百八遍加持白芥
子稻穀華酥酪白蜜護摩一百八遍單加持
白芥子護摩一百八遍并諸香華飲食供養
護摩牛乳七遍滅爐內火出鍋治鍊瑩麗莊
飾盛持於藥置其壇內誦持母陀羅尼真言
一加持白芥子一先打鍋藥誦持奮怒王真
言一加持白芥子一先打鍋藥白月八日或
十五日初夜後夜五更明時鍋上藥上出大
火光得大成就奉持供養有大威德如意

寶若欲飲食鍋置淨處繞鍋置器燒焯香王誦持真言作法呼召經須臾時則有百味甘膳飲食若燒火食置鍋爐前燒火作法速疾成驗若有猛將欲陣敵者淨治身服嚴持器仗頭上戴鍋獨往他陣彼諸兵衆皆見身上出大火光一時臣伏慄怖馳走勇猛無畏若脩羅窟門置鍋作法誦持真言其脩羅衆一時出現樂爲命從若龍湫汎置鍋作法誦持真言水盡枯涸龍現置伏又得國土五穀滋茂果實豐稔無諸灾疾能得無量福聚蘊門世尊不空光明觀察藥三昧耶譟弭羅安膳那真言加持泥裏密固置於爐內杜仲木截治然火夜合華白芥子白梅檀香酥酪蜜誦持母陀羅尼真言廣大明王央俱捨真言護摩一千八遍加持安悉香白梅檀香沉水香

白芥子酥酪蜜護摩千八遍觀世音菩薩語言善哉善哉善男子汝今成就光焰藥法滿所諸願便候大寒乃出取藥以譟弭羅安膳那和龍腦香麝香研合眼藥以雌黃雄黃爲點身藥精治別盛置於壇內誦持母陀羅尼真言廣大明王央俱捨真言加持其藥令現緩煙光相乃名成就光焰藥法是時用藥點額點眼點兩肩上二手掌上便證不空光焰藥神通三昧耶壽增千歲不爲一切毗那夜迦欲界魔王而作障礙一切人民恭敬供養若入軍陣則當得勝爲人恭敬不畏世間鬪必七⁺諍口舌山中災難不患頭痛眼痛耳痛鬼神等病若點摩訶迦羅像眼誦持奮怒王真言其像啼泣令真摩訶迦羅神及其眷屬置伏使祐若點功德天像眼瞬目瞻像誦持母陀

羅尼真言令真功德天來相護祐財寶增滿
若睡卧時點眼中者則得一切增上善夢觀
世音菩薩加祐擁護若點不空臂索觀世音
菩薩像眼中者速得觀世音菩薩加被上願
若以藥和牛黃點眼中臉上見於國王及王
僕從得大歡喜若點大自在天像眼中誦持
奮怒王真言七遍則得一切鬼神置伏使祐
若點摩訶迦羅像額上誦持奮怒王真言者
則得一切藥叉歸伏若沙門乞食去時點藥
眼中乞食去者速得淨食若點眼臉入於一
切山林陂澤則當不怖一切精魅虎狼等難
若點眼臉入天寺中努目看鬼子母誦持奮
怒王真言者則得鬼子母及所眷屬置伏使
祐又法木檼木迦囉惹木根枝葉華果杜仲
木波羅訖灑木截治然火秝米稻穀華烏油

麻白芥子白穀稻穀大麥小麥大豆小豆麻
子酥蜜酪誦持母陀羅尼真言奮怒王真言
護摩一千八遍又以安悉香黑芥子相和誦
持廣大明王央俱捨真言奮怒王真言護摩
一千八遍便求財富隨意豐饒乃至命盡無
所乏少摩尼跋陀神而守護之世尊不空成
就牛黃神通三昧耶化伏世間而最第一入
於陂澤入於山林入脩羅窟入龍湫窟宮殿
室宅入海龍王宮殿室宅入地地下一切神
變皆得成辦諸有怖畏種種病苦過現罪障
怨難軍陣鬪諍厭蠱符書呪詛諸天鬼神一
切瘡病惡星變怪牢獄禁閉枷鎖刑戮皆得
減除作法成就財寶富饒一切沙門婆羅門
一切人民珍敬愛樂觀世音菩薩淨居天伊
首羅天摩醯首羅天大梵天帝釋天那羅延

天一切諸天龍神八部皆當擁護淨治身服等數當以牛黃紫檀香鬱金香淨治精研以火食灰減藥三分中一分別盛真言加持盛赤銅合置於壇內觀世音菩薩像前淨帛覆上或荷葉蓋上其火食灰用紫檀木杜仲木稻穀華白粳米白芥子油麻酥蜜酪如法護摩取細白灰誦持母陀羅尼真言廣大明王央俱捨真言奮怒王真言加持先藥令現三相一者煖相二者沸煙相三者光相證三相者名大成就用藥點頂上額上眼中眉間肩上二手掌上心上證不空牛黃仙神通三昧耶衆相圓滿壽命逾遠明見一切天龍八部鬼神宮殿皆無有礙一切鬼神皆當畏伏所作成辦若藥點眼則見地下一切伏藏鬼神宮殿無有障礙夜見一切無有暗障若入水

若渡江河大海如居陸宅不畏水中一切獸類而作傷害又得水中種種珍寶若淨澡浴以藥塗身入陣鬪戰不爲傷害而當得勝若舍是藥徃於王宮國王后妃見皆歡喜若藥點眼徃於聚落人民見者歡喜愛敬飲食供養若以藥塗右手頭指誦奮怒王真言加持豎擬十方怒目期剋則得方圓一輪膳那無有非時惡風雹雨災損苗稼若有霖雨藥塗左手誦奮怒王真言加持左手遍擬十方雨則晴止若天亢旱於龍湫汎藥塗右手掌指加持藥手拍湫水上滿一七下便降大雨若不雨者又復以藥重遍塗手一真言手一拍湫水滿三七下湫中龍等一時熟悶若不雨者又復以藥重遍塗手一真言手一拍湫水一百八下則降大雨若不雨者湫中龍王并

所眷屬總患熱惱走出外湫若有患諸鬼病
神病者與藥點眼則得除差若患一切鬼神
瘧病與藥點額即得除差若病難治以藥和
湯病者浴身則得除愈若爲蛇蠍蟄者以藥
和水與彼服塗則得除差若患痃癖痼癥痔
六七
痢腹中病者煖水和藥與令飲服則得除愈
十三
若塗腳掌履火不燒塗兩髀上臂上胫上則
得力等大野象力與他捕力則得勝他若以
藥塗兩腳脰掌渡於河海水不沒踝若藥塗
頂入於波澤山林不畏蛇虎鬼神等難一切
藥精俱時出現任取上者若於山林含藥高
聲誦持大可畏明王央俱捨真言十遍一切
藥神宮殿開現藥神出現任爲命事取最上
藥見諸藥神不應怖懼但當役使若以藥塗
心上誦真言作法速得成就若以藥塗肚臍

脊耳指腕上者所往之處飲食衣服床敷珠
璫鐸釧鞍乘而皆隨意若以藥蜜丸丸如豆
等每日誦祕密心真言加持其藥初日一丸
二日二丸三日三丸乃至七日七丸爲度服
滿百日文辭智慧辯說無礙聲相和雅如緊
那羅迦陵頻伽之聲其聲深隱今衆樂聞若
半茶婦人藥和酥服則得胎藏若人牢獄枷
鎖禁閉藥塗獄門并塗枷鎖誦持真言而加
持之則得解脫若藥和香湯清淨洗浴誦持
真言作法十惡五逆四重等罪則皆除滅又
得旃暮伽王祕密壇印三昧速當成就一切
怨難不吉祥相亦皆除滅若以藥和生胡麻
油點額點眼見諸貴人則相敬慕若塗身者
不爲刀箭矛槊之所損害若藥繫兩臂所去
之處得勝衆敬若高望處含藥遙望坊邑聚

落誦持廣大明王央俱捨真言加持右手把白芥子向彼散之當自敬伏若以藥繫右手
上按拍一切金銀財寶庫藏之門食廚庫門
藥鋪庫門諸惡鬼神盡皆怖走而不散耗一
切財寶亦不偷吸一切精味若藥手拍大門

十七

十四

七下家內人民除諸灾障若藥埋於怨人門
地是怨人家則自和敬若藥塗刀箭矛槊自
當損折若怖惡賊或諸灾害以藥埋宅門地
是惡賊輩則無能爲灾害除滅若以藥塗螺
牛高樓閣上大吹七聲能令一切鬪諍言辭
厭蠱呪詛世間災怪悉皆消滅若酷乳家園
牛羊處吹七聲者其牛羊乳皆具上味若於
大眾吹七聲者人民所聞皆除灾障若藥塗
鼓面上於高樓上大打曲聲則令一切非時
電雨而皆禁止一切疫病皆當除滅若以爐

中燒火食灰和香水真言七遍散灑十方即
成結界若灰和湯衆人浴者灾厄罪障皆得
除滅若患瘧者點灰額上即當除差若以灰
塗枷械枷鎖誦念真言而加持者則得解脫
若蛇蟄者以灰塗上毒痛則除世尊扇底迦

三昧耶杜仲木木檜木奢彌木柏木桑木構
木夜合木長十二指截五淨浴治而加持之
依法數持加持然火誦持奮怒王真言淨水
淨火輪印結界爐南跪坐誦持母陀羅尼真
言祕密心真言加持稻穀華白芥子蓮華莖

十七

十五

葉蘇蜜護摩一千八遍則得方圓百踰膳那
除諸藥又羅刹布單那鬼塞健陀鬼敗精氣
鬼復得除滅一切灾疫饑饉猛獸他兵謀反
大臣謀反大臣謀叛一切鬪諍諸惡鬼神國
土豐稔雨澤順時滋生一切苗稼華果大小

諸樹根莖枝葉藥草等類皆令茂盛滋味繁多人民快樂多饒財寶無諸殃咎而作侵惱更相讚詠恩愛相向當知國中不爲諸惡天龍鬼神而作灾害其四天王天伊首羅天摩醯首羅天大梵天釋提桓天那羅延天自在天各將無量眷屬僕從國中方圓百踰膳那常皆擁護增加有情一切色力十方一切諸佛菩薩觀世音菩薩而當護念國土有情如所愛子皆得安隱日天月天二十八宿主星天神常於國中不生災怪加被擁護

祕密灌頂品第八

世尊是不空王廣大解脫蓮華曼拏羅印三昧耶能廣成就百千悉地三昧耶運動一切當見唵伽沙俱胝百千諸佛積集功德修治佛事觀世音菩薩無量幻化神通加祐其有

信解受持讀誦旃摩伽王三昧耶者應於有情起大悲心憐愍一切修治此法白月八日或十五日於閑淨處清淨澡浴著淨衣服食三白食如法作壇威儀無缺盡斷言論或復占察內外一切吉相修習於法則得成就此大契經真言出世世間成就之法若是俗人每日受持八齋戒法作四肘壇方圓淨治以瞿摩夷香水和黃土泥塗摩拭治開廓四門以白螺末界壇標界內圖一百八葉開敷蓮華白栴檀香泥爲葉鬱金香泥爲臺四面四

角當圖香泥開敷蓮華四布莊列黃綠幡華東面置不空腎索觀世音畫像四角置香水瓶內著白芥子口插一切枝柯葉華四門置閼伽香水水上汎華燒焯香王晝夜六時召請結界觀置十方一切諸佛放種種光耀沃

身心清淨明淨見無障一時禮拜觀世音
闕伽供養懺悔歸依發菩提心啓請迴向作
禮結印觀置自身自性平等量同法界無分
別量無無分別量觀一切諸佛如來一切菩
薩圍違住寂觀置羅字具點嚴赫日光焰鬘
念字真義一切諸法本性無染離諸塵垢自
淨心地淨道場地除衆垢穢如虛空相成金
剛地下觀風輪上有歌字放黑光焰觀置風
輪上有水輪色猶雪乳中有縛字若塞頗胚
皎月光淨觀月輪上有大因陀羅金剛輪曼
睂羅放金光焰上觀綴字變爲八葉自開蓮
華衆寶鬚臺金剛爲莖放無量光無量百千
諸寶蓮華周匝圍繞臺上觀置寶師子座繞
座周列雜寶竿柱上置種種綺蓋幢旛垂珠
瓔珞衆妙寶衣周布一切香華衆寶起妙香

雲雨諸雜華繽紛嚴地鼓奏種種奇特音樂
溥敷種種如意寶瓶闕伽之水摩尼寶樹枝
葉光敷周遍行列照以爲燈一一莊嚴佛波
羅蜜光淨圓滿讚諸菩薩甚深句義梵音清
暢遍無盡界以我功力佛加持力以法界力
觀供養住諸法無生性自本寂師子座上觀
縛皤字爲釋迦牟尼如來身真金色結跏趺
坐頭冠衣服貫飾莊嚴放妙光明遍無邊界
無盡聖衆現光焰中其光遍滿諸有情界隨
性開解流光焰輪此佛如來身語無量常住
三世湛然不滅從是身中現無量身合無量
身爲一佛身右觀觀世音菩薩左觀執金剛
祕密主菩薩其諸種族大菩薩衆前後圍繞
趺坐而坐觀世音座右真言者坐觀心不亂
若散亂者一切諸佛菩薩真言明神觀世音

菩薩悉不加持悉不觀護是故智者相應法
座諦觀聖者結誦念印以左手頭指大拇指
相搏直伸中指無名指小指向掌作拳以印
當會右手頭指中指大拇指指珠以一切如
來金剛摩尼身灌頂三摩地聲誦持母陀羅
尼真言祕密心真言奮怒王真言觀置像變
陀羅尼真言一一字聲如聖者形光焰圍繞
其光明淨破無明宅時所無間當於中夜壇
地震動結印靜心正觀像足誦奮怒王真言
令其壇地大涌震動菩薩眉間放大光明照
燭壇內時真言者身悚毛豎但當廣發大善
提心仰觀像面見其右面動轉眼目視真言
者出大梵聲讚真言者汝證斯相三業清淨
復當承事碗伽沙俱胝那庾多百千如來種
植善根一切菩薩同共觀察身心適悅捨此

身後當生生處身狀端奔髮如旋螺聲音美
妙目廣端嚴解心明潔見法清淨永除無明
生老病死一切苦本證一切有情性清淨觀
三摩地至五曉時觀世音菩薩現身摩頂加
與所求出世世間一切大願皆爲滿足時真
言者乞神足通願祕密仙願天眼通願見佛
刹願證陀羅尼大成就願不空胥索願悟解
一切經典種種義願一切真言三昧大成就
願文持總持願一切辯才願取伏藏願作金
銀願工巧法願往天宮願入阿脩羅窟願入
龍宮願增長苗稼果實豐饒願降伏藥叉羅
刹願起故人願入諸山谷採諸藥精願成就
劍仙騰空法願大真言仙願摧伏邪見諸惡
人願戲弄物願入海水願世間諸法成就願
滅四重五逆一切罪願如是等願任所乞之

皆得滿足若常六時誦持不間又得觀察一

切有情離障清淨三摩地觀世音菩薩現身

神通超越觀察三摩地一切如來觀察加持

密嚴光明神通三摩地以此三摩地力如大

梵天壽命長遠見於淨土一切諸佛菩薩摩

訶薩衆阿彌陀佛前讚問深法同坐清淨蓮

華光明寶殿臺榭若常白月八日十五日晝

夜不食斷諸言論誦持母陀羅尼真言祕密

心真言者則得無始一切罪障盡皆消滅若

命終後當得往生安樂國土恒見一切諸佛

菩薩摩訶薩等加持壇內閼伽瓶水灌頂浴

身結印身修作法者當得金剛無惱壞身

一切如來常樂觀察一切天龍藥叉羅刹毗

那夜迦降伏恭敬成就世間悉地之法任爲

使祐

不空胥索神變真言經卷第七

音釋

檻
彌畢切
香木也

藏
子括切
水灑也

構
古候切
木名

仁
肥大也

也
病也

憲
羊益切
悅也

禪
丁可切
禪丁

濟
祖奚之切
鑄

也
病也

也
病也